



The Holy See

PAULUS EPISCOPUS

SERVUS SERVORUM DEI

AD PERPETUAM REI MEMORIAM CONSTITUTIO APOSTOLICA ANTVERPIENSIS* CATHEDRALIS TEMPLI
ANTVERPIENSIS, IN BELGIO,

COLLEGII CANONICORUM CONSTITUITUR. Cathedralium ecclesiarum dignitas et amplitudo, utpote quae
sacrarum dioecesis aedium capita atque Episcoporum exstant magisterii sedes, propensiorem p[ro]ae aliis requirunt a
Nobis voluntatem, quam haud dubie tunc praestare censemus cum, ubi desint, Canonicorum collegia constitui
decernimus, sacrorum Praesulum senatum ipsorumque templorum decus et ornamentum. Quandoquidem autem Sacra
Congregatio Consistorialis, peculiari usa potestate quam ei tribuimus, preces accipendas esse putavit venerabilis Fratris
Iulii Victoris Daem, Episcopi Antverpiensis, id potentis, ut in sua etiam cathedrali sacra aede Canonicorum collegium
conderetur, quod statutum est Nos suprema qua pollemus auctoritate ratum habemus sequentiaque iubemus. In
cathedrali ecclesia Antverpiensi Canonicorum collegium constituimus, quod una constabit dignitate, nempe decanatu,
atque tot canonicatibus quot sunt praebendae. Dignitatis collatio penes Sedem Apostolicam erit, canonicatum vero
penes sacrorum Antverpiensem Antistitem. Canonicorum praebendae dote a civili Gubernio adsignata constituentur.
Servitium chorale quotidie peragetur, idque absolvetur psalmodia horarum canonicarum atque celebratione cum cantu
Missae conventualis. Canonici adhibere possunt, intra fines tamen dioecesis, mozetam nigri coloris, cum cappa minore
aut maiore iuxta temporum opportunitatem, supra rochetum induendam, sed circumornatam limbis purpurei coloris, cuius
coloris serici quoque erunt globuli, ocelli et subsutum; insuper nigrum biretum. Privilegium praeterea habebunt gestandi
crucem aut imaginem inauratam e taenia serica purpurei coloris pendentem. Quod vero cetera omnia attinet,
Canonicorum scilicet officia, iura et privilegia, normae iuris communis serventur; item religiose serventur constitutiones
capitulares, quae quam primum conficientur, ab Episcopo probandae. Haec quae praescripsimus ut perficiantur curet
venerabilis Frater Sylvius Oddi, Archiepiscopus titulo Mesembrianus et in Belgio Apostolicus Nuntius, qui ut huiusmodi
negotium fieret antea de more auditus est, vel per se ipse, vel per alium virum, dummodo sit in ecclesiastica dignitate
constitutus. Qui vero rei exsequendae studuerit, congrua documenta exarabit et ad Sacram Congregationem
Consistorialem quam primum mittet. Hanc vero Constitutionem nunc et in posterum efficacem esse et fore volumus; ita
quidem ut quae per eam decreta sunt ab iis quorum res est religiose serventur, atque igitur vim suam obtineant. Cuius
Constitutionis efficacitati nulla, cuiusvis generis, contraria praescripta officere poterunt, cum per eam iisdem derogemus
omnibus. Nemini praeterea haec voluntatis Nostrae documenta vel scindere vel corrumpere liceat; quin immo huius
Constitutionis exemplis et locis, sive typis impressis sive manu exaratis, quae sigillum viri p[ro]aeferant in ecclesiastica
dignitate constituti simulque ab aliquo publico tabellione sint subscripta, eadem omnino habenda erit fides, quae huic
haberetur, si ostenderetur. *Datum Romae, apud S. Petrum, die uno et tricesimo mensis Maii, in festo Beatae Mariae
Virginis Reginae, anno Domini millesimo nonagesimo sexagesimo quarto, Pontificatus Nostri primo.*

IACOBUS A. Card. COPELLO

S. R. E. Cancellarius

CAROLUS Card. CONFALONIERI

S. Congr. Consistorialis a Secretis

Franciscus Tinello

Apostolicam Cancellariam Regenslophus Rossi, Ep. tit. Palmyrenus, Protonot. Apost.

Ioannes Calleri, *Protonot.*

Apost.

*A.A.S., vol. LVII (1965), n. 3, pp. 212-213 © Copyright 1964 - Libreria Editrice Vaticana

Copyright © Dicastero per la Comunicazione - Libreria Editrice Vaticana